



Broj: 10-05-33506/16
Sarajevo, 15.12.2016 godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnik Semir Halilović, na 23. Radnoj sjednici Skupštine Kantona Sarajevo, održanoj dana 05.12.2016 godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo je zastupničku inicijativu:
„ Molim Vas da u sklopu ova dva Ministarstva Vlade Kantona Sarajevo, interresorno, pokušete iznaći zakonsko rješenje za finansiranje Servis centra „ Dajte nam šansu“ kao i za dalji razvoj ove vrste pomoći u Kantonu Sarajevo prilikom čega bi se formirao barem još jedan servis centar koji je neophodan“.

U vezi sa postavljenom zastupničkom inicijativom dostavljamo slijedeći:

ODGOVOR

Ministarstvo zdravstva nema zakonskog osnova da na teret budžetskih sredstava na razdjelu ministarstva zdravstva finansira rad bilo kojeg udruženja pa tako i Servisnog centra „Dajte nam šansu“.

U Ministarstvu zdravstva se planiraju sredstva za finansiranje određenih projekata iz oblasti zdravstva za koje se mogu kandidirati i udruženja.

U vezi sa navedenim, ministarstvo zdravstva je planiralo i za 2017 godinu sredstva za navedene namjene, te će se nakon usvajanja Budžeta Kantona Sarajevo za 2017 godinu objaviti i javni poziv. Izbor projekata po Javnom pozivu će se vršiti u skladu sa kriterijima utvrđenim Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo, te u tom smislu sugerišemo da se i Servisni centar „Dajte nam šansu“ javi na navedeni poziv.

Ovo ministarstvo je upoznato sa radom ovog udruženja i jako cijeni trud i napore koje ulaže da bi se pomoglo djeci sa posebnim potrebama kao i njihovim porodicama, ali naše nadležnosti se isključivo odnose na obezbijedenje uvijeta za pružanje usluga zdravstvene zaštite svim osiguranim licima na području Kantona Sarajevo u smislu pristupa zdravstvenoj zaštiti, kao i određenim kategorijama lica u koju spadaju i ova lica.



4870

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Broj: 01-05-33506/16
Sarajevo, 07.12.2016. godine

**MINISTARSTVO ZDRAVSTVA
KANTONA SARAJEVO**
n/r ministrice

**MINISTARSTVO ZA RAD,
SOCIJALNU POLITIKU, RASELJENA LICA
I IZBJEGLICE KANTONA SARAJEVO**
n/r ministra


Zastupnik Semir Halilović je na 23. Radnoj sjednici Skupštine Kantona Sarajevo, održanoj 05.12.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu:

"Molim Vas da u sklopu ova dva Ministarstva Vlade Kantona Sarajevo, interresorno, pokušate iznaći zakonsko rješenje za finansiranje Servis centra "Dajte nam šansu" kao i za dalji razvoj ove vrste pomoći u Kantonu Sarajevo prilikom čega bi se formirao barem još jedan servis centar koji je neophodan".


Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“- Drugi novi prečišćeni tekst, broj:41/12, 15/13, 47/13 i 47/15), u pisanom obliku, obavijestite Skupštinu o učinjenom.

Prilog: Inicijativa Semira Halilovića

CO:
-sekretar SKS
-sekretar Vlade Kantona



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Skupština KS
Zastupnik BPS-a, Semir Halilović

Zastupnička inicijativa za Ministarstvo zdravstva i Ministarstvo socijalne politike
Kantona Sarajevo

Molim Vas da u sklopu ova dva Ministarstva Vlade Kantona Sarajevo, interresorno, pokušate iznaći zakonsko rješenje za finansiranje Servis centra "Dajte nam šansu" kao i za dalji razvoj ove vrste pomoći u Kantonu Sarajevo prilikom čega bi se formirao barem još jedan servis centar koji je neophodan.

Obilaskom UG - Servis Centra "Dajte nam šansu" uvidio sam da se ovaj centar, na različite načine, brine i pomaže oko 270 porodica u Kantonu Sarajevo. Radi se o porodicama čijim je članovima neophodna tuđa pomoć, njega, vrijeme i pažnja. Ovaj servis centar je u protekloj godini pružio 11.000 usluga, i sve su potpuno besplatne. Projekat je finansiran od USAID-a ali i drugih, međutim taj grant ističe te im je potrebno sistemsko rješenje.

Kanton Sarajevo do sada nije finansirao ovaj Centar iako se radi o jako velikoj populaciji građana KS. Pored toga, iz ovih 270 porodica, ukoliko im se ne pruži odgovarajuća zaštita i pomoć u radu trenutno jednog i formiranje dodatnog servis centra, može proizaći još puno vrsta socijalno-medicinckih kategorija jer se ovi ljudi teško bore sami bez pomoći sistema.

Molim Vas da unutar ova dva Ministarstva, krajnje ozbiljno, pristupite iznalaženju načina za finansiranje ovog servis centra te uvođenje ove kategorije stanovnika u zakonsku kategoriju u Kantonu Sarajevo tim prije jer na godišnjem nivou njega i briga ovih ljudi i naših sugrađana državu koštaju tek 150.000KM što su izuzetno mala sredstva s kojima se čini veliko dobro za 270 porodica u Kantonu Sarajevo.

Semir Halilović

5.12.2016.